

ԳԼՈՒԽ Ժ.

ԶԱՆԳԵԶՈՒՐ — ԳՈՂԹՆ

Ղարաբաղից յետոյ Զանգեզուրը...

Ղարաբաղից յետոյ Զանգեզուրը...

1919թ. սեպտ. 7-ին, Ազրբէջանի Գլխաւոր Սպայակոյտի պետը հետեւեալ զազանի մտքերն էր թելադրում Ղարաբաղի ընդհանուր-նահանգապետ զր. Սուլթանովին. — «Ղարաբաղի հարցի խաղաղ կարգադրութիւնը հարկադրում է մտածել, որ Զանգեզուրի գաւառի կցումը տեղի կունենայ առանց զինեաժ կուէի, որովհետեւ նրա հայ ազգաբնակչութիւնը, Նախիջևանի փլուզումից յետոյ, դրեաժ է երկու կրակի մէջ և հազիւ թէ համարձակէ դիմադրելու մեզ, առանց թիկունքում նախկին աջակցութիւնն ունենալու: Սակայն և այնպէս, Ղարաբաղի անդորրութեան ապահովումը եղել է ու կը լինի մեր մշտական մտահոգութիւնը՝ Կամաւորական Բանակի և նրա բնական ու մնայուն դաշնակից Հայաստանի հետ ընդհարելու պարագային: Գործերի ներկայ վիճակում Հայաստանը մեզ համար վտանգաւոր էէ, բայց նման բարենպաստ կացութիւնը չի կարող երկար տեւել, և մենք պէտք է պատրաստենք աւելի վատ դրութեան համար:

Ղարաբաղի վերջնական կորուստի հետ հայերը չեն կարող հաշտուել և, անկասկած, կաշխատեն օգտագործել ամէն յարմար առիթ կորուստը յետ դարձնելու նպատակով: Այդ բոլորը մեզանից կը պահանջէ, զօրաշարժի դէպքում, զօրքեր թողնել Սանքենդում, իսկ ապագային նաև Գորիսում՝ հայերի վրա հսկելու համար: Այդպիսով, Ղարաբաղը կարող է մեր ոչ մեծ բանակից բաւական զգալի ուժեր գրաւել ճակատից: Սակայն, կան միջոցներ Ղարաբաղի պահպանութեան համար ո՛չ միայն դաշտային զօրքերը չթուլացնելու, այլ ճակատի համար կենդանի ոյժ էլ հանելու նրա խորքերից՝ թողնելով բաւականաչափ զօրամասեր Ղարաբաղի ընդհանուր-նահանգապետութեան շրջանի կարգի ապահովութեան համար:

Այդ նպատակով հարկաւոր է օգտագործել քրդական հիանալի մարտական ոյժը, կազմակերպել նրանցից հետեակ ու ձիաւոր մասեր «համալրիէ» գնդերի օրինակով, որոնց գործնական օգտակարութիւնը փորձեաժ է թիւրքերի կողմից վերջին պատերազմի ընթացքին: Քրդական գնդերի անվնահար գործունէութեան մասին փոքր-ասիական, պարսկական և Միջագետքի ռազմաճակատներում՝ միաժայն խօսում են պատերազմին բոլոր մասնակցողները:

Քիւրդ զօրամասերի խաղաղ ժամանակի շարքեր ստեղծելու համար ենթադրում է կազմակերպել քրդական ձիաւոր գունդ և մի հրապանաձիգ գումարտակ, որը պատերազմի ժամանակ կը վերածուի 4 գումարտակի: